

法苑珠林卷第五十三

濟三

機辯篇第五十八

此有三部

唐西明寺沙門釋道世撰

述意部第一

述意部

菩薩部

羅漢部

惟夫三藏浩瀚濟三七衆紛綸設教備機煥然通解聞苦集則哀切追情聽滅道則喜捨啓悟清詞妙氣鬱若芬蘭峻旨宮商開導耳目所以馬鳴抽其幽宗龍樹振其絕緒提婆析其名數羅漢總其條理並翼贊妙典併剪外學迷津見衢長夜逢曉繼釋典之高範表師資之訓術屬於斯也可謂盛哉祇園若在鹿苑如見誠未證果趣佛邇也

菩薩部第二

略引二

馬鳴菩薩傳云佛去世後三百餘年

摩耶經六百年

出自東天竺桑歧多國婆羅門種也弱狀奇譽以文談見稱天竺俗法論師文士皆執勝相以表其德馬鳴用其俗法以利刀冠杖銘其天下智士其有能以一理見屈一文見勝者當以此刀自刎其首當執此刀周遊諸國文論之士莫能抗之者是時韻陀山中有一羅漢名富樓那外道名理無不綜達於是馬鳴詣而候焉見其端坐林下志氣渺然若不可測神色謙退似而可屈遂與言沙門說之敢有所盟要必屈汝我若不勝便刎頸相謝沙門默然容無負色亦無勝顏扣之數四曾無應情馬鳴退自思惟我負矣彼勝矣彼安無言故無可屈吾以言之雖知言者可屈吾未免於言真可愧耳退謝其屈便欲自刎首沙門止之汝以自刎謝我當隨我意繫汝

周羅爲我弟子即以理伏落髮投簪受具足  
戒坐則文宣佛法遊則闡揚道化作莊嚴佛  
法諸論百有萬言大行天竺舉世推宗以爲  
造作之式雖復西河之亂孔文身子之疑聖  
師蔑以過也其後龍樹染翰之初著論之始  
清三  
未嘗不稽首馬鳴作自歸之偈謙譏憑其冥  
照以自悟焉今天竺諸王勢士皆爲之立廟  
宗之若佛評有之日

龍樹菩薩傳并付法藏傳云有一大士名曰  
龍樹依傳云佛去世後七百年內出現於世  
詭略故曰龍樹佛去世後三百年出現於世  
壽年七百歲故人錯稱佛滅後七百年出世  
天聰奇悟事不再問建立法幢摧伏異道託  
生南天竺國出梵志種大豪貴家始生之時  
在於樹下由龍成道因號龍樹少小聰哲才  
學超世本童子時處在襁褓聞諸梵志誦四

韋陀論其典淵博有四萬偈各三十二字皆  
即照了達其句味弱冠馳名擅步諸國天文  
地理星緯圖識及餘道術無不綜練有友三  
人天姿奇秀相與議曰天下理義開悟神明  
洞發幽旨增長智慧若斯之事吾等悉達更  
以何方而自娛樂復作是言世間唯有追求  
好色縱情極欲最是一生上妙快樂宜可共  
求隱身之藥事若斯果此願必就咸言善哉  
斯言甚快即至術處求隱身法術師念曰此  
四梵志才智高遠生大橋慢草芥群生今以  
清三  
術故屈辱就我然此人輩研窮博達所不知  
者唯此賤術若授其方則永見棄且與彼藥  
使不知之藥盡必來師資可久即便各授青  
藥一丸而告之曰汝持此藥以水磨之用塗  
眼臉形當自隱尋受師教各磨此藥龍樹聞

香即使識之分數多少錙銖無失還向其師具陳斯事此藥滿足有七十種名字兩數皆如其方師聞驚愕問其所由龍樹答言大師當知一切諸藥自有氣分因此知之何足爲怪師聞其言歎未曾有即作是念若此人者聞之猶難況我親遇而惜斯術即以其法具授四人四人依方和合此藥自翳其身遊行自在即共相將入王後宮宮中美人皆被侵掠百餘日後懷妊者衆尋往白王庶免罪咎王聞是已心大不悅此何不祥爲怪乃爾召諸智臣共謀斯事時有一臣即白王言凡此之事應有二種一是鬼魅二是方術可以細土置諸門中令人守衛斷往來者若是方術其跡自現設鬼魅入必無其跡人可兵除鬼當祝滅王用其計依法爲之見四人跡從門

而入時防衛者驟以聞王王將勇士凡數百人揮刀空中斬三人首近王七尺內刀所不至龍樹斂身依王而立於是始悟欲爲苦本敗德危身污辱梵行即自誓曰我若得脫免斯厄難當詣沙門受出家法既出入山至一佛塔捨離欲愛出家爲道於九十日誦閻浮提所有經論皆悉通達更求異典都無得處遂向雪山見一比丘以摩訶衍而授與之讀誦愛樂恭敬供養雖達實義未獲道證辯才無盡善能言論外道異學咸皆摧伏請爲師範即便自謂一切智人心生憍慢甚大貢高便欲往復瞿曇門入爾時門神告龍樹曰今汝智慧猶如蚊虻比於如來非言能辯無異螢火齊耀日月以須彌山等華嚴子我觀仁者非一切智云何欲此門而入聞是語已蔽

然有愧時有弟子白龍樹言師恒自謂一切智人今來屈辱爲佛弟子弟子之法諮承於師諮承不足非一切智於是龍樹辭窮理屈心自念言世界法中津塗無量佛經雖妙句義未盡我今宜可更敷演之開悟後學饒益

衆生作是言已獨處靜室水精房中大龍菩薩愍其若此即以神力接入大海至其宮殿開七寶函以示諸方等深奧經典無量妙法授與龍樹九十日中通解甚多其心深入體得寶利龍之心念而問之曰汝今看經爲遍未耶龍樹答言汝經無量不可得盡我所讀者足滿十倍過閻浮提龍王問言忉利天上釋提桓因所有經典倍過此宮百千萬倍諸處比此易可稱數爾時龍樹既得諸經豁然通達善解一相深入無生二忍具足龍知悟

濟三

五

道還送出宮時南天竺二王本甚邪見承事外道毀謗正法見其龍樹是一切智人共大論師擊難不逮稽首禮敬剃除鬚髮而就出家如是所度無量邪見王家常送十車衣鉢終竟一日皆悉都盡如是展轉乃至無數廣開分別摩訶衍義造憂波提舍論十萬偈莊嚴佛道大慈方便如是等論各十萬偈令摩訶衍先宣於世造無畏論滿十萬偈中論出於無畏部中凡五百偈其所敷演義味深邃摧伏一切外道勝幢是時有一小乘法師見其高明常懷忿嫉龍樹菩薩所作已辦將去此土問法師云汝今樂我久住世不答曰仁者實不願也即入闇室經日不現弟子咸怪破戶看之遂見其師蟬蛻而去天竺諸國並爲立廟種種供養敬事如佛焉

羅漢部第三

如智度論云舍利弗於一切弟子中智慧最  
爲第一如佛偈說

一切衆生中 唯除佛世尊 欲比舍利弗  
智慧及多聞 於十六分中 猶尚不及一

舍利弗智慧多聞年始八歲誦十八部經通  
解一切義是時摩伽陀國有龍王兄弟二名  
姞利二名阿伽羅降雨以時國無荒年人民  
感之常以仲春之月大集龍處爲設大會作  
樂談義終此一日自古及今斯集未替此日  
常法敷四高座一爲國王二爲太子三爲大  
臣四爲論士爾時舍利弗以八歲之身問衆  
人言此四高座爲誰敷之衆人答言爲國王  
太子大臣論士是時舍利弗觀察時人無勝  
已者便昇論牀結跏趺坐衆人疑怪或謂愚

小無知或謂智量過人雖復嘉其神異而猶  
各懷自矜恥其年小不自與語皆遣年少傳  
言問之其答曆旨辭理超絕時諸論師歎未  
曾有愚智大小一切皆伏王大歡喜即命有  
司封一聚落常以給之王乘象輦振鈴告言  
宣示一切十六大國無不慶悅如四分律云舍利弗具足  
四辯一法辯二義辯三詞辯四了了辯若具  
此辯而外道不伏者無有是處又勝思惟論  
云菩薩有七種德皆依樂說辯才何等爲七  
曰種樂說辯才二無滯樂說辯才三堅固  
樂說辯才四了了樂說辯才五不怯弱樂說  
辯才六相應樂說辯才七任放樂說辯才此  
薩得菩是時吉古師子名拘律陀姓大目捷  
連是舍利佛友二人才智德行互同行則俱  
遊住則同止少長繼繕結要始終後俱狀世  
出家學道作梵志弟子情求道門久而無徵  
以問於師師名訕闍耶而答之言自找求道  
彌歷年歲不知道果非其人耶他日師疾舍

利弗在頭邊立大目連在足邊立二人喘喘其師將終乃愍而笑二人同心俱問笑意師答之言世俗無眼爲恩愛所侵我見金地國王死其大夫人自投火積求同一處而此二人行報各異生處殊絕是時二人筆受師語欲以驗其虛實後有金地商人遠來摩伽陀國以疏驗之果如師語乃撫然歎曰我昔非其人耶爲是師隱我耶二人誓曰若先得甘露要畢相報故佛本行經云是時舍利弗見人民各共評論說偈云巧攝諸根識進止齊三

馬宿比丘入城乞食城內一切

利弗即請云汝大師德術亦勝汝耶爾時阿濕波瑜跋多隋云馬宿即說偈報言如芥然彼師邊不入數與彼世尊威德別於是舍利弗得見是偈云淨舍利弗既得須陀洹果

七

利弗目連聞舍利弗說亦得須陀洹果已眷

經屬同詣佛所皆得阿羅漢果依四分律及餘經等皆云千二百五十人至於佛所得阿羅漢依問論曰何以名舍利弗答曰是母所作字伽陀國是中有大城名王舍城王名頻婆娑羅有婆羅門論師名摩陀羅王以其人善能論故賜封一邑去城不遠是摩陀羅遂有

居家婦生一女眼似舍利鳥眼即名此女爲舍利汝生一男膝骨麤大名拘繩羅此言大膝既恒靜定含笑出美言此必釋種子是時舍利弗即請云汝大師德術亦勝汝耶爾時阿濕波瑜跋多隋云馬宿即說偈報言如芥然彼師邊不入數與彼世尊威德別於是舍利弗得見是偈云淨舍利弗既得須陀洹果已眷

利弗即請云汝大師德術亦勝汝耶爾時阿濕波瑜跋多隋云馬宿即說偈報言如芥然彼師邊不入數與彼世尊威德別於是舍利弗得見是偈云淨舍利弗既得須陀洹果已眷

利弗目連聞舍利弗說亦得須陀洹果已眷

衆人言汝但未見婆羅門摩陀羅論師汝若見者腹當縮明當暗是婆羅門遙至鼓邊打論議鼓國王聞之間是何人衆臣答言南天竺有一婆羅門名提舍是大論師欲求論處故打論鼓王大歡喜即集衆人而告之曰有能難者與之論清三議摩陀羅聞之自疑我以塵故不復業新不知我今能與論不俛仰而來於道中見二特牛方相牴觸心中作想此牛是我彼牛是彼以此爲占知誰勝此牛不如便大愁憂而自念言如此相者我將不如欲入衆時見有母人挾一瓶水正在其前瞬地破瓶復作是念是亦不吉甚大不樂既入衆中見彼論師顏貌意色勝相具足自知不如事不獲已與共論議論既交便墮負處王大歡喜大智明人遠入我國復欲爲之封一

聚落諸臣議言一聰明人來便封一邑功臣不賞但寵語論恐非安國全家之道今摩陀羅論議不如應奪其封以與勝者若更有勝人復以與之王用其言即奪與彼人是時摩陀羅語提舍言汝是聰明人我以女妻汝男兒相累今欲遠出他國以求本志提舍納其女爲婦其婦懷妊夢見一人身被甲冑手執金剛杵摧諸山而在大山邊立覺已白其夫言我夢如是提舍言汝當生男摧伏一切諸論議師唯不勝一人當與作弟子舍利懷妊以其子故母亦聰明大能論議其弟拘締羅清三九與姊談論每屈不如知所懷子必大智慧未生如是何況出生即捨家學問至南天竺不剪指爪讀十八種經書令皆通利是故時人名爲長爪梵志姊子旣生七日之後裹以白

疋以示其父其父思惟我名提舍遂我名字  
字爲憂波提舍憂波此言是星名是爲父母作字  
衆人以其舍利所生皆共名之爲舍利弗子也  
也又舍利弗者世世本願於釋迦佛所作智  
慧第一弟子字舍利弗是爲本願因緣以名  
舍利弗問曰若爾者何以不言憂波提舍但  
言舍利弗答曰時人貴重其母於衆女人中  
聰明第一以是因緣故稱舍利弗

又佛本行經云佛於舍婆城於其中間有一  
大樹名尸耆波其樹陰下多有一切諸婆羅  
門止息其下諸婆羅門遙見阿難來欲到邊  
各相告言汝輩當知此是沙門瞿曇弟子於  
諸聰明多聞之中最第一者作是語已阿難  
便至白言仁者今請觀此樹合有幾葉爾時  
阿難觀其樹已而報彼言東枝合有若干百

卷三

葉若干千葉如是南枝西枝北枝皆言合有  
若干百葉若干千葉作是語已遂即捨去爾  
時彼諸婆羅門輩阿難去後取百數葉隱藏  
一邊阿難迴已諸婆羅門於是復問仁者阿  
難汝復來耶乞更觀此樹有幾多葉爾時阿

卷三

難仰觀樹已即知婆羅門等所摘藏葉若干  
百數便即報彼婆羅門言東枝合有若干百  
葉若干千葉如是南枝西枝北枝亦言合有

若干百葉若干千葉作是語已便即過去爾  
時彼等婆羅門輩生希有心未曾有之各相  
謂言此之沙門甚大聰明有大智慧諸婆羅  
門以此因緣心得正信得正信已其後不久  
悉各出家成羅漢果略述一二  
餘備經文

頌曰

樞機巧對辯 善誘令心伏 八水潤焦芽

卷三

三明啓瞽目來問各不同 詣答皆芬郁  
冀捨四龍驚亦除二鼠逼 意樹發空華  
心蓮吐輕馥 喻此滄海變 譬彼庵羅熟  
妙智方縕錦 詞深同霧縠 善學乖梵爪  
真言異鏘腹

感應緣四略引

秦太守趙正

晉沙門釋僧叡

晉沙門支孝龍

晉沙門康僧淵

秦苻堅臣武威太守趙正立志忠正大弘佛法  
符堅初敗群鋒互起戎妖縱暴民流四出  
而得傳譯大部蓋由趙正之力矣又有正字

文業洛陽清水人或曰濟陰人年至十八爲  
僞秦著作郎後遷至黃門侍郎武威太守爲  
人無鬚而瘦有妻妾而無兒時謂閻人然而  
性度敏達學兼內外性好譏諫無所迴避苻

堅末年寵惑鮮卑情於治政因歌諫曰  
昔聞孟津河 千里作一曲 此水本自清  
是誰攬令濁

堅動容曰是朕也又歌曰

北園有一棗 布葉垂重陰 外雖饒棘刺

內實有赤心

堅笑曰將非趙文業耶其調戲機捷皆此類  
也後因關中佛法之盛願欲出家堅惜而未  
許及堅死後方遂其志更名道整因作頌曰  
佛生何以晚 泥洹一何早 歸命釋迦文

濟三

十一

今來投大道

後遁迹商洛山專精經律晉雍州刺史都恢  
欽其風尚逼共同遊終於襄陽春秋六十餘  
晉長安有釋僧叡魏郡長樂人也博通經論  
機辯難及姚興姚嵩特加禮遇興問嵩曰叡

公何如嵩答實鄴衛之松柏興勃見之欲觀其才器叡風韻窪流含吐彬蔚興大賞悅即勅給俸卹使力人舉興後謂嵩曰此乃四海標領何獨鄴衛之松柏耶於是美譽遐布遠近歸德什所翻經嚴並參正昔竺法護翻正

法華經至受決品云天見人人見天什譯經至此乃言曰此語與西域義同但在言過質  
第十三 叢曰將非人天交接兩得相見什喜曰實然其領標出皆此類也什歎曰吾傳譯經論得與子相值真無所恨矣著大智論十二門論中論等諸序并著大品法華維摩思益自在王禪經等序皆傳於世叢弘讚經法常迴此業願生安養於是臨終之日入房洗浴燒香禮拜還牀面向西方合掌而卒是日同寺咸見五色香煙從叢房出春秋六十七矣

晉沙門有支孝龍淮陽人少小風姿見重加復神彩卓犖高論適時無人能抗陳留阮瞻穎川庾凱並結知音之交世人呼爲八達時或嘲之曰大晉龍興天下爲宗沙門何不全髮膚去袈裟釋梵服披綾羅龍曰抱一以逍遙唯寂以致誠剪髮毀容改服變形彼謂我辱我棄彼榮故無心於貴而逾貴無心於足而逾足矣其機辯適時皆此類也故孫綽爲之贊曰

小方易擬 大器難像 桓桓孝龍 勒邁高廣物竟宗歸 人思効仰 雲泉彌漫 蘭風飄響  
第十二 晉康僧淵本西域人至于長安貌雖胡人語實中國客上詳正志業弘深晉成之世與康法暢支敏度等俱過江暢亦有才思善爲往復著人物始義論等暢常執麈尾行每值名

賓輒清談盡日庾元規謂暢曰此塵尾何以常在暢曰廉者不求貪者不與故得常在淵亦機辯逾過於暢時琅耶王茂弘以見淵鼻高眼深每戲弄之淵曰鼻者面之山眼者面之淵山不高則不靈淵不深則不清時人以爲名答

海三十三

愚憲篇第五十九

此有三部

十三

述意部 般陀部 雜癡部

述意部第一

夫愚惱者是衆病之本障道之源致使昏滯三有沉溺四流六情常閉三毒恒開問者口爽發語成狂洪癡不得振其翼名愛不得逞其足採善心於毫芒狀凶頑於虎口魚魯不辨菽麥何知愚惑之甚罪莫大焉

般陀部第二

如善見律云般陀者此言路邊生何以故般陀母本是大富長者家女長者唯有此一女憐愛甚重作七層樓安置此女遣一奴子供給所須奴子長大便與私通即共奴籌量我今共汝叛往餘國如是三問奴子奴子言不能去女語奴言汝若不去我父母知必當殺汝奴答言我若往他方貧無財寶云何生活女語奴言汝隨我去我當偷取珍寶共汝將去奴答言若如是者我共汝去此女日日偷取珍寶與奴將出在外藏舉計得二人重已遣奴前出在外共期此女便假著婢服反鑰戶而出共奴相隨遠到他國安處住止二年中即懷胎欲產心自念言我今在此若產無人料理思念憶母欲得還家共壻籌量奴壻不去云何得歸必當殺我壻入山斫樵不

在於後閉戶而去婿還不見其婦即問比隣  
見我婦不答言汝婦已去其夫即逐至半路  
及其婦已生一男兒夫語婦言汝爲欲產故  
去汝今已產何須去耶婦聞即還其後未久  
以復懷胎欲產復叛至半路中復生一男其  
婿追逐半路共還其二兒並於路邊生故便  
字爲般陀般陀兄弟與諸同類共戲二兒力  
大打諸同類同類罵言汝無六親眷屬孤單  
在此何敢打我兒聞此呵還家啼泣問母此  
事其母默然不答其兒啼哭不肯飲食母見  
不食慈念二兒便語其實二人聞已便語母  
言送我外家不能住此其母不許二兒啼泣  
不已母共婿籌量即共往送到已門外遣人  
通知父母聞已答言使二兒入汝不須相見  
長者即遣人迎二兒入已以香湯洗浴著

衣瓔珞抱取二兒置兩膝上問言汝母在他  
方云何生活不甚貧乏耶二兒答言他方貧  
窮賣樵自活母聞慈念即以囊盛金遣送與  
女語言汝留二兒我自養活汝將此金還先  
住處好自生活不須與我相見二兒年大爲  
其取婦翁婆年老臨欲終時以其家業悉付  
二兒其翁婆命終其兄以家事付弟出家出  
家不久即得羅漢其弟彌俗後往兄所求欲  
出家兄即度之兄教一偈四月不得忘前失  
後兄呵念言此人於佛法無緣當遣還家即  
牽架染驅令出門門外啼哭不欲還家爾時  
世尊以天眼觀看衆生見周羅般陀應可度  
緣往至其所問何以啼般陀具答世尊兄驅  
因緣佛知非聲聞能度是以牽出世尊安慰  
其心即以少許白氈與周羅般陀汝捉此氈

向日而努當作是念取垢取垢世尊教已即入聚落受毗舍母請世尊臨中觀般陀將得道果即說偈言

入寂者歡喜 見法得安樂 先無恚最樂  
不害於衆生 世間無欲樂 出離於愛欲  
若調伏我慢 是爲第一樂

爾時周羅般陀遙聞此偈即得阿羅漢果

又增一阿含經云朱利般特佛教執掃箒令誦誦掃忘箒誦箒忘掃乃經數日始得掃箒更名除垢般特思念灰土瓦石若除即清淨也結縛是垢智慧能除我今以智慧箒掃除諸結縛

又新婆沙論云兄授伽陀一偈經四月誦不得兄訶擯出爾時世尊見啼愍之即以神力轉彼所誦伽陀更爲授之尋時誦得過四月

所用功勞復別授以除塵垢頌而語之言今日苾芻從外來者汝皆可爲拭革屣上所有塵垢小路敬諾如教奉行至日暮時有一苾芻革屣極爲塵垢所著小路拭之一隻極淨一隻苦拭而不能淨即作是念外物塵垢暫時染著猶不可淨況內貪欲瞋癡等垢長夜染心何由能淨作是念時彼不淨觀及持息念便現在前次第即得阿羅漢果問小路何緣如此闍鈍答尊者小路於昔迦葉波佛法中具足受持彼佛三藏由法慳垢覆蔽其心曾不爲他受文解義及理廢忘由彼業故今得如是極闍鈍果有說彼尊者曾於婆羅痆斯城作販豬人縛五百豬口運置船上渡至彼岸及下船時氣不通故豬已死由彼業力如是闍鈍有說彼尊者昔餘生中曾聞閉塞

瞿陀獸窟門今不得出在中而死由彼業故  
閻鈍如是

又處處經云佛言昔者朱利般特比丘學問  
經於二十四年唯得五言然解垢不憂何以  
故由本宿命更見五百佛悉通知衆經但由  
閉藏經道不肯教人後被病二十四日臨死  
時乃悔呼人教之有是一福故知五言何況  
乃具足教人得福不可計也

又法句經云佛在世時有一比丘字朱利般  
特新作出家稟性暗塞佛令五百阿羅漢日  
日教之三年之中不得一偈國中四輩並知  
愚冥佛愍傷之授與一偈守口攝意身莫犯  
如是行者得度世汝今年老方得一偈人皆  
知之不足爲奇今當爲汝解說其義豁然心  
闢得阿羅漢道時波斯匿王請佛及僧於正

卷三

十七

殿會佛欲現般特威神與鉢今持隨後而行  
門士識之留不聽入卿爲沙門一偈不可受  
請向爲吾是俗人由尚知偈豈況沙門無有  
智慧施卿無益不須入門般特即住門外佛  
坐殿上行水已畢般特擎鉢申臂遙以授佛  
王及群臣夫人太子衆會四輩見臂來入不  
見其形怪而問佛是何人臂佛言是賢者般  
特比丘臂也即便請入威神倍常王白佛言  
聞尊者般特本性愚鈍方知一偈何緣得道  
佛告王曰學不必多行之爲上賢者般特解  
一偈義精理入神身口意寂淨如天金雖復  
多學不行徒喪識想有何益哉於是世尊即  
說偈言

雖誦千章句義不正不如一要聞可滅意  
雖誦千言不義何益不如一義聞行可度

雖多誦經 不解何益 解一法句 行可得道  
同聞此偈 二百比丘得阿羅漢道 王及群臣  
夫人太子莫不歡喜

又法句喻經云昔有一國名多摩羅去城七  
里有精舍五百沙門常處其中讀經行道有  
一老比丘名摩訶盧爲人暗塞五百道人傳  
共教之數年之中不得一偈衆共輕之不將  
會同常守精舍勑令掃除後日國王請諸道  
人入宮供養摩訶盧比丘自念言我生世間  
暗塞如此不知一偈人所薄賤用是活爲即  
持繩至後園中大樹下欲自絞死佛以道眼  
遙見如是化作樹神半身人現而訶之曰咄  
咄比丘何爲作此摩訶盧即具陳辛苦化神  
訶曰勿得作是且聽我言汝往迦葉佛時卿  
作三藏沙門有五百弟子自以多智輕慢衆

人恪惜經義初不訓誨是以世世所生諸根  
暗鈍但當自責何爲自貶於是世尊現神光  
像爲說偈言

自愛身者 慎護所守 希望欲解學正不寐  
身爲第一 當自勉學 利乃誨人 不倦則智  
學先自正 然後正人 調身入慧 必還爲上  
身不能利 安能利人 心調體正 何願不至  
本我所造 後我自受 為惡自受 如剛鑽珠  
摩訶盧比丘見佛現身光相悲喜悚慄稽首  
佛足思惟偈義即入定意得阿羅漢道自識  
宿命無數世事三藏衆經即貫在心佛語摩  
訶盧著衣持鉢就王宮食在五百道人上坐  
此諸道人是卿先世五百弟子還爲說經令  
得道迹并使國王明信罪福即受佛教徑入  
王宮在於三坐衆人心悉怪其所以各護王

意不敢呵譴念其愚癡不曉達觀心爲之疲

王便下食手自斟酌摩訶盧即爲達觀音如

雷震清詞爾下座上道人驚怖自悔皆得羅  
漢爲王說法莫不解釋群臣百官皆得須陀  
洹道

蚊去破父頭

打蠅

賢愚經云舍衛國中有一老公出家兒小即  
爲沙彌共父入村乞食村遠日暮父老行遲  
兒畏毒獸急扶其父推父墮地應時而死佛

言我知汝心無有惡意不得殺罪此由過去

父病睡卧多有飛蠅數來惱觸父令逐蠅蠅  
來兒額以杖打之即殺其兒亦非惡意今還  
相報

救月

僧祇律云佛告諸比丘過去世時有城名波  
羅柰國名伽尸於空閑處有五百獮猴遊行  
林中到一尼俱律樹下樹下有井井中有月  
影現時獮猴主見是月影語諸伴言月今日  
死落在井中當共出之莫令世間長夜闇冥  
寧與智者讎不與無智親愚爲父害蚊

雜癡部第三

濟三  
凡一  
十  
三段

十九

打蚊

十誦律云佛爲諸比丘說本生經云過去有  
禿頭染衣人共兒持衣詣水邊浣衣已絞曬  
持歸爾時大熱眼閭道中見一樹便以衣囊  
枕頭下睡有蚊子來飲其頭血兒見已父疲  
極睡卧便發惡罵云是弊惡婢兒蚊子何以  
來飲我父血即持大棒欲打蚊子蚊子飛去  
棒著父頭即死時此樹神便說偈言

濟三

二十一

共作議言云何能出時獮猴主言我知出法  
我捉樹枝汝捉我尾展轉相連乃可出之時  
諸獮猴即如主語展轉相捉小未至水連獮  
猴重樹弱枝折一切獮猴墮井水中爾時樹

要夫婦俱得阿惟越致佛以爲喻見影鬪者  
譬三界人不識五陰四大苦空身有三毒生  
死不絕

分衣

十誦律云佛在憍薩羅國與大比丘僧安居

是等駛榛獸 瘋衆共相隨 坐自生苦惱

何能救出月

佛告諸比丘爾時獮猴主者今提婆達多是  
爾時獮猴者今六群比丘是爾時已曾更相  
隨順受諸苦惱今復如是

姤影

濟三

二十一

雜譬喻經云夫婦二人向葡萄酒甕內欲取  
酒夫妻兩人互見人影二人相姤謂甕內藏  
人二人相打至死不休時有道人爲打破甕  
酒盡了無二人意解知影懷愧比丘爲說法

問是羯磨好不答言好跋難陀擔衣欲去彼  
汝二人一聚 如是汝有三 兩聚并及我  
如是我有三

問是羯磨好不答言好跋難陀擔衣欲去彼  
比丘言大德上座我等衣物未分跋難陀言

與汝分知法人應與一好衣彼言當與跋難

陀是聚中取大價衣著一處餘分作二分與  
已擔去諸比丘聞已白佛佛廣呵責已告諸  
比丘是跋難陀非但今世奪前世亦奪乃過  
去世一河曲中有二狙第二河中得大鯉魚不能

分二狙守之有野干來飲水見狙語言外錫

是中作何等狙答言阿舅舅是河曲中得此鯉  
魚不能分汝能分不野干言能是中說偈分  
作三分即問狙言汝誰喜入淺答言是某狙  
誰喜入深答言是某狙野干言汝聽我說偈

入淺應與尾 入深應與頭 中間身肉分

應與知法者

野干銜魚身來雌者說偈

汝何處銜來 滿口河中得 如是無頭尾

鯉魚好肉食

### 雄野干說偈言

人有相言擊 不知分別法 能知分別者  
如官藏所得 無頭尾鯉魚 是故我得食  
佛語諸比丘時二狙者二老比丘是野干者  
跋難陀是是跋難陀前世曾奪今世復奪

造樓

第三

十二

百喻經云往昔愚人癡無所知到餘富家見  
三重樓高廣嚴麗即作是念我有財錢不減  
於彼云何不造即喚木匠而問言曰解作彼  
舍不木匠答言是我所作即便語言今爲我  
造木匠即便經地壘塹作樓愚人見壘語木  
匠言我不欲下二重先爲作最上屋木匠答  
言無有是事何有不作最下造彼第二不造  
第二云何得造第三屋愚人固言我不用下  
二必爲我作上時人聞已便生怪笑譬如世

尊四輩弟子不勤修敬三寶懶惰懈怠欲求道果不欲下三果唯欲得第四阿羅漢果亦為時人之所嗤笑如彼愚者等無有異次第先學大乘亦復如是故佛藏經云  
不先學小乘後學大乘者非佛弟子

磨刀

百喻經云昔有一人貧窮困苦爲王作事日

月經久身體羸瘦王見憐愍賜一死駝貧人得已即便剥皮嫌刀鈍故求石欲磨乃於樓上得一磨石磨刀令利來下而剥如是數數往來磨刀後轉苦憚不能上樓懸駝上樓就石磨刀深爲人笑猶如愚人毀破禁戒多取錢財以用修福望得生天反得其殃如懸駝駝上樓磨刀用功甚多所得甚少

賣香

百喻經云昔有長者入海取沉水香積有年

載方得一車詣市賣之以其貴故卒無買者多日不售心生疲厭見人賣炭時得速售便燒作炭不得半車價直世間愚人亦復如是無量方便勤求佛果以其難得便生退心不如發心求聲聞果速斷生死作阿羅漢

賭餅

百喻經云昔者夫婦有三幡餅夫婦共分各食一餅餘一幡在共作要言若有語者要不與餅既作要已爲一餅故各不敢語須臾有賊入家偷盜取其財物一切所有盡畢賊手夫婦二人以先要故眼看不語賊見不語即其夫前侵掠其婦其夫眼見亦復不語婦便喚賊語其夫言云何癡人爲一餅故見賊不喚其夫拍手笑言咄婢我定得餅不復與爾世人聞之無不嗤笑凡夫之人亦復如是爲

小名利詐現靜默爲虛假煩惱種種惡賊之所侵掠喪其善法遂墮三塗都不怖畏求出世道方於五欲耽著嬉戲雖遭大苦不以爲患如彼愚人等無有異

### 畏婦

百喻經云昔有一人娉取二婦若近其一爲一所瞋不能裁斷便在二婦中間正身仰卧值天大雨屋舍霖漏水土俱下墮其眼中以先有要不敢起避遂令二目俱失其明世間凡夫亦復如是親近邪友習行非法造作結

業墮三惡道長處生死喪智慧眼如彼愚夫爲其二婦故二眼俱失

### 唵米

百喻經云昔有一人至婦家舍見其擣米便往其所偷米庵之婦來見夫欲共其語滿口

中米都不應和羞其婦故不肯棄之是以不語婦怪不語以手摸看謂其口腫語其父言我夫始來卒得口腫都不能語其父即便喚醫治之時醫言曰此病最重狀似石癰以刀決之可得瘥耳即便以刀決破其口米從中出其事彰露世間之人亦復如是作諸惡行犯於淨戒覆藏其過不肯發露墮於地獄畜生餓鬼如彼愚人以小羞故不肯吐米以刀決口乃顯其過

### 効瞞

百喻經云昔有一人欲得王意問餘人言云何得之有人語言若欲得意王形相汝當効之此人見王眼瞞便効王瞞王問之言汝爲病耶爲著風耶何以眼瞞其人答王我不病眼亦不著風欲得王意見王眼瞞故効王也

王聞是語即大瞋恚使人加害擯令出國世人亦爾於佛法中欲得親近求其善法以自增長既得親近不解如來法王爲衆生故種種方便現其短闊便生譏毀効其不是由是

之故於佛法中永失其善墮於三惡如彼効

卷三

三

王亦復如是

### 怖樹

百喻經云譬如野干在於樹下風吹枝折墮其脊上即便閉目不欲看樹捨棄而走到于露地乃至日暮亦不肯來遙見風吹大樹枝柯動搖上下便言喚我還來樹下愚癡弟子亦復如是已得出家得近師長以小呵責即便逃走復於後時遇惡知識惱亂不已方還所去如是去來是爲愚惑頌曰

愛網結心闇 貪癡背智明 雖蒙慧炬照

愚昧猶自盲 頑顛恒不覺 慧種未開萌

自非慕高友 何得悟神英

### 法苑珠林卷第五十三

#### 音釋

刎

武粉切割也

鬚

他計切與剃同

鎰

錙莊持切六銖

銖

錙音殊十

茅

亭莖音亭莖

蘿

蘿草名蘿

被

乃板切面繾綣

繾

繾綣戰切繾

縫

縫縫區顧

縫

縫觸也

觸

觸禮切

觸

觸衣切廉

廉

廉黑乙切

黑

乙

財

財

惒

陸降切

擊

擊力角切

卓

卓絕也

嘲

詰戰切

交

交切言

脣

脣譽布也

譽

譽此云

觀

觀初觀切

初

觀切

觀

觀倫切

倫

倫